

Mitdelen vun Sleswig-Holsteenschen Heimatbund un ADS Grenzfriedensbund to´n Plattdüütschen Familiendag an´n 25. Septembermaand in Lübeck

Presstext:

Sünndag, 25. Septembermaand 2022 is Plattdüütschen Familiendag

Lübeck - Wi besöökt de Königin vun de Hanse

Sleswig-Holsteenschen Heimatbund un ADS Grenzfriedensbund e.V. laadt an´n Sünndag, 25. Septembermaand, plattdüütsche Grootöllern, Öllern un Kinner to´n Familiendag na Lübeck. Op´t Programm steiht en plattdüütsche Föhren dörch dat europäasche Hansemuseum un en Haventörn op Kanaal un Traav mit Reederee Quandt.

„Enmal in´t Johr maakt wi so en Familiendag. Wi wüllt wat beleven un dor op henwiesen, wo goot Kinner dat deit, wenn se mit Platt opwasst“, vertellt Britta Poggensee vun´n ADS Grenzfriedensbund. De Hansestadt Lübeck as Utfloogsmaal harrn se sik mit Bedacht utkeken, sett Jan Graf vun´n Heimatbund darto: „Plattdüütsch weer in de Hansetiet en wichtige europäasche Spraak un warrt ok vundaag in vele Sleswig-Holsteenske Familien snackt.“

Kl. 12.00 geiht de Plattdüütsche Familiendag los un duert dree Stünnen. Mitmaken kost nix, un de Lütten köönt sik op en Överraschen freuen. Wokeen Fragen hett oder dorbi ween will, de schall sik tiedig mellen ünner j.graf@heimatbund.de, 0431 – 98384-15. Plätz sünd aftellt.

Tietplan:

Anreis op egen Hand

Kl. 11.45 – Drapen vör den Hööftingang vun´t Hansemuseum, An der Untertrave 1, 23552 Lübeck

Kl. 12.00 – Plattdüütsche Föhren dörch dat Hansemuseum

Kl. 13.00 – Meddagspaus. Wokeen will, de blifft sitten in´t Foyer vun´t Hansemuseum mit Utkiek op de Traav. De Museumsshop verköfft beten wat, man een kann ok mitbröcht Eten un Drinken vertehren.

Kl. 13.45 – Drapen an den Anleger an de MUK-Brüch op de anner Siet vun de Traav. (Vun´t Hansemuseum na de MUK-Brüch 12 Minuten to Foot.)

Kl. 14.00 - Havenrundfohrt mit Reederee Quandt. An Bord kann een sik Kaffe, Limo etc. bestellen.

Kl. 15.00 – Tschüß

Reis na Huus op egen Hand

Kontakt: Britta Poggensee, 0461 8693445, sprachvielfalt@ads-flensburg.de; Jan Graf, 0431 9838415, j.graf@heimatbund.de

